

Störer vnd Verräther des Vaterlandes/ vnd Veleydiger  
gemeiner Christenheit/ von jedermänniglich gehalten/  
auch sie an Leib vnnnd Leben ernstlich/ ohne alle Gnade  
straffen.

Der dritte Theil meldet / Wie vnnnd  
durch was Mittel / vnnnd durch weme / das  
Geschick / Kraut vnnnd Loht / ohne eynigen  
Mangel soll geschaffet  
werden.

**I**n jeglicher Churfürst/ gibt einen Maus-  
werbrecher/ eine Notschlange/ eine halbe Schlange/  
3. Quartir Schlangen / 3. Falckenetlein / 3.  
Sarpentiener/ einen grossen Mörser/ ein tausend Feuer  
Kugeln/ 3. Last Kraut/ zu jedem grossen Stücke ein 100.  
Kugeln/ zu den halben vnd Quartir Schlangen/ 300.  
Kugeln/ zu den Falckenetlein vnd Sarpentinern zu je-  
derm 500. Kugeln/ sampt aller Zugehörunge/ mit Rossen  
vnnnd Wagen/ Knechten / daß man nühren darff vor-  
spannen.

Die Reichsfürsten vnnnd Reichs Stätte / welche  
den Churfürsten in ihrer Reichs Anlage gleich geschickt/  
sollen auch so viel Geschütze vnd Rohrturfft geben / wie  
die Churfürsten.

Die Deutschen Orden/ dem gleich.

Der Orden im Lieffland/ auch so viel.

Die andern Reichsfürsten / geben jeglicher eine  
Schlange

W iij

Schlange